



Tir Yimiyim

www.tiryimiyim.in

Regd. No. RNI. NAGAAO/ 2004 / 13113. Postal-NE/RN-717.

e-mail : tiryimiyim@gmail.com

TAPAK 8

Yangia anidakangma :

Tir Yimiyim

tiryimiyim@aolima

tir yimiyim

TAPAK 7

ATP rankings: Zverev jenjang ana asepuka luogo

Turkey, Syria menoknok nung asür nisung 1,900 alemer



VOL. XX NO. 116 (ADOK 116)

DIMPUR SANGTENNÜ (TUESDAY)

TSÜKLAI (FEBRUARY) 07, 2023

₹ 5.00

Nagaland nung sen crore 30 tema puogo

Dimapur, February 6, 2023 (TYO): Central aser State indang Enforcement Agency balalai February 6, 2023 tashi nung Rs. 30,71,47,188 puogo, ta Chief Electoral Officer, Nagaland-i metetdaksü.

Nagaland nung mita aodang sen crore 30 tema yi, mozü, election nung votes angutsü mechia alemba osettsüsetem aser sen apu, ta Media Cell, CEO Office sangdong ka nung ashi.

Mizoram Assembly-i UCC anema bangzüng renemtsü

Aizawl, February 6, 2023 (Agencies): Mizoram Assembly-i Uniform Civil Code (UCC) anema bangzüng ka renemtsü ta sorkar ketdangsür kati ashi.

Tang atemabo linük nung UCC mapa tenzüksü asoshi lemtet kecha magi ta Union Law Minister Kiren Rijiju-i Parliament nung tawa tu shiogo.

February 7 nungi budget session tenzükdang sorkari UCC anema bangzüng ka renemtsü, ta Home Minister Lalchamliana-ia metetdaksü.

Mizoram nungi Rajya Sabha MPK. Vanlalvena-i asüngdangba langzüdang Union Law Minister Rijiju-i "sorkari 21st Law Commission dang UCC dak sendakba ken o tem asadangsü mepishiogo" ta ashi.

Taoba hopta Mizo National Front (MNF) Legislature party-i linük nung UCC yanglutsü mapa anema noktaksü ta shia liasü. Parnokisa budget session nung UCC anema bangzüng ka renemtsü atema mapa inyaktsü

21st Law Commission indang kümsük 2018 nung tembangogo anungji iba onük ya 22nd Law Commission ajanga reprangtsü akok, ta Rijiju-isa shisem.

Kohima atema General Observer aruogo

Dimapur, February 6, 2023 (TYO): 8 Western Angami A/C, 14 Southern Angami - I A/C aser 15 Southern Angami - II A/C atema General Observer Janak Prasad Pathak tanü Kohima tonga aruogo.

Shanavas CIAS-i pa den election maparen inyakba osang lemsatop.

Pa Kohima district tonga aruba sülen DC & DEO Kohima,

General Observer Pathak-i Returning Officer & SDO Jakhama indang office sendang aser idakji RO aser ERO Jakhama den election tiptema agitsü atema onüktem lemsatop.

RJD-i candidate 5 nem ticket agütsür

Dimapur, February 6, 2023 (TYO): February 27, 2023 nü Nagaland assembly elections asoshi Rashtriya Janata Dal (RJD)-i candidate 5 nem ticket agütsüogo.

mulunga agizükba aser party ticket agütsüba candidate temji Kiyazhe Shohe (1 Dimapur-1), Amos (4 Ghaspani 1), Hopeson Snock (20 Meluri), Y Kikon (37 Tyui) aser Senkathung Jami (39 Sanis) nunger lir.

RJD selection committee-i

Guwahati nung mezüngbuba Y20 summit tenzüko

Guwahati, February 6, 2023 (Agencies): Hombarnü Assam kübok Guwahati nung Y20 indang mezüngbuba senden tenzüko. Y 20 ya G20 indang lanur kongsang lir aser iba senden nung war & peace, climate change aser employment generation dak sendakba 'White Paper' ka renemtsü alizüng lir.

Summit tembangba anogo nung Union Youth Affairs & Sports Minister Anurag Singh Thakur aser Assam Chief Minister Himanta Biswa Sarma na lia 'White Paper' indang draft ka sayatsü, ta laisa ashi.

"Iba sülen linük aser bendanglen nungi aruba teshimtet nübotemi draft paper atema o atsüteptsü aser summit balala agiba sülen tatem nung August ita Varanasi summit nung final document ka renemtsü" ta Meeta Rajivlochan-isa ashi.

Guwahati nung 'Inception

Congress-i Naga nunger dang Modi-Rio atsüngdoktsü ayongzüker

Kohima, February 6, 2023 (TYO): Tesüiba küm 20 tashi NDPP, NPF aser BJP ajanga Nagaland nungi auyazükogo anungji tanü nübortem saksalemtsüla aser Nagaland nungi Modi-Rio yimsüsüba tamajung anentsüsüla ta Congress-i ayongzüko.

koktettsü aser AFSPA agientsü ta bilem saka ibaji matalok, ta paisa ashi.

2019 nung PM Modi-i ita asem tsüngda Naga yimten latettsü ta sangoktsü saka 2023 aruogo. Külen, Amit Shah-i Eastern Nagaland tesemtem nem frontier Nagaland state agütsütsü nangzüko. Item ajak ya tiyazü tenangzükbatem lir. BJP aser RSS-i ibala tiyazü tenangzükbatem agibaji nisung ajaki meteta lir, ta paisa ashi.

Hombarnü Congress Bhavan nung osangbener senden ka amendang AICC Media and Publicity Department chairperson, Pawan Khera-i iba osang metetdaksü. Iba sentong nung NPCC working president Khriedi Theunuo dena liasü.

Nagaland-i BJP anir arubaji Chief Minister Neiphiu Rio lir aser parnok longjemmer state aser Centre nung sorkar tim mesüi ketdang asür, ta Khera-i ashi.

Congress nem maongka agütsüra onoki manifesto nung shia aliba ajak inyaktsü, ta Khera-i ashi.

"Nübortem saksalemtsü mapang tongogo aser Rio-i resorts kwi yanglua lir aser kiojen kwika yanglu mesüra alizük metettsüla. Chief Minister indang gari nung sen apubaji nübortem meyong lir aser iba ajanga pa Enforcement Directorate tsüngdang noktaker" ta Khera-i ashi.

Rio-i BJP bener aru aser BJP-i LJP bener aruogo. NDPP ticket manguba MLA tem nem LJP ticket agütsüogo, ta paisa shisem.

Nagaland nung alirtemi Congress candidate 27 nem vote enoktsütsü mepishir. Nagaland nung Rio-i aniba sorkar atsüngdoktsü atema Nagaland nung voter temi shilem agitsü mepishir. Maneni Modi-i aniba sorkar anendaktsütsü, ta paisa metetdaksü.

Tesüiba küm 8 ser tesadang ka Nagaland nung alirtemi Delhi nung Modi dak temulung alem. Pai Nagaland indang khurettem

"BJP-LJP senteper NDPP den menden teimba nung takok ngura Khristantem teimba ser aliba state nung BJP Chief Minister ka yunür, ta Khera-i metetdaksü.

Nagaland nung tanga political party tem den longjemmer sorkar akümtsü tebilemba lir mali ta osangbeneri asüngdangdang "iba lemtet jibo State Congress lennirtem nem dang agidaktsütsü" ta Khera-i langzü.

"RSS aser Hindutva tashitem kübok Naga nungeri tamangba yimsü senzuka yutsünür asü? BJP-RSS alizüngji Hindu National bangzüng aser Arlla 371A agientsüba lir. NE region nung RSS organization secretary Rajesh Das-i kin ajak tamangba yimsü tuluba kübok aniochtsü ta shiogo. Anungji Nagaland nung vote enoktsür shiai kanga dang shisakaa enoktsüla" ta pai ashi.

North East Democratic Front-i Independent candidate 6 yaritsü

Dimapur, February 6, 2023 (TYO): Tawa tasen tentetba political party- North East Democratic Front (NEDF)-i Nagaland assembly elections nung independent candidate 6 yaritsü ta osang metetdaksüogo. Northeast aser talisa Nagaland

yanglushitsü atema NEDF-i tan election nung shilem agitsü renema lir. Politics nung tejak tasentem ajanga public asoshi tebilemba aser tangatetba tasen bener arur ta onoki amanger, ta NEDF-i metetdaksü.

temji- Kyupise Sangtam (59 Seyouchung- Sitimi), John Ovung (40 Bhandari), C.N. Yanchu (53 Tuensang Sadar 1), Manpon Konyak (47 Aboi), C. John Konyak (46 Mon Town) aser Dr Tumda (Newme 6 Tening) nunger lir.

Dmr aser Kma nung candidate 19-i nomination file süogo

Dimapur, February 6, 2023 (TYO): Dimapur nung NDPP standby candidate ka dena political party balala nungi candidate 8-i nomination file süogo.

Tanü nomination file asürtem rongnung Chief Minister Neiphiu Rio dena lir aser pai 11 Northern Angami II (ST) Assembly Constituency nung NDPP ticket amer tokteptsü.

Sophie aser NDPP candidate Medo Yhokha nati aser 15-Southern Angami-II nung JDU candidate Vipopal Kintso aser BJP candidate Er. Kropol Vitsu nati tenüng agütsü.

Dimapur I, II aser III Assembly Constituency tem nung tanü nomination file asürtem: H. Tovihoto Ayemi (BJP) Dimapur I A/C, Moatoshi Longkumer (NDPP) Dimapur II A/C, Supu Jamir (Independent) Dimapur II A/C, S Amento Chishi (INC) Dimapur II A/C, Y. Vikheto Awomi LJP (RV) Dimapur II, Azheto Zhimomi LJP (RV) Dimapur III, K. Lun Tungnung (Independent) Dimapur III, Hekani Jakhalu (NDPP) Dimapur III aser Kerenjungla Longkumer NDPP standby candidate Dimapur II.

NDPP-BJP teloktepi maneni Nagaland nung taruba sorkar akümtsü kechiyong tanga political party tem nungi tayongzükbaba balaka mali, ta Neiphiu Rio-i ashi.

Ano, 9 Kohima Town nung INC candidate Er. Meshenlo Kath aser pa substitute Dr. Ketoulehou Vizo nati nomination file asü. Maneni, NPP candidate Dr. Tseilhoutuo Rhutso aser NDPP candidate Dr. Neikiesalie Nicky Kire nati tenüng agütsüogo.

Maneni, Kohima nunga substitute candidate ka dena candidate 11-i Nomination Papers agütsüogo.

"Taküm election nung political party aika tokteper saka onoki parnok dang nungi tayongzükbaba kecha balaka majiteter. Onok teloktep NDPP-BJP ajanga taruba sorkar akümtsü teimla lir" ta pai ashi.

Sitting MLA, Keneizhakho Nakhro from 8 Western Angami A/C filed his nomination as an Independent candidate before the Returning Officer & SDO Sechu Zubza.

2018 assembly election nung Rio den tetokteper shinga mali takok angu saka taküm election nungbo Congress candidate Seyievilie Sachu-i pa den tokteptsü metetdaksüogo.

10 Northern Angami-I nungi NPF candidate Khriehu Liezietsu aser tang teinyakdak MLA Keneizhakho Nakhro-i Independent candidate ka ama tenüng agütsüogo.

14-Southern Angami-I nung Independent candidate Kevipodi

"Tsüngrem metsübur telok tapong alitsü; aser süpokrem achir sükitem mi agi meyoktsü" Yob 15:34.

- Ungma Baptist Arogo Laishir Telongjem Clean Election Tayongzükbaba

Raj Bhavan nung C&S to Governor den tepila sentong agi



Raj Bhavan, Kohima nung Commissioner & Secretary to Governor inyaka alisang T. Mhabemo Yanthan, IAS den tepila sentong ka February 6, 2023 nü Ura Bhavan, Raj Bhavan nung agia liasü.

Dimapur, Tsüklai/February 06 (TYO): Commissioner and Secretary to Governor nungi Commissioner, Nagaland ama transfer aosang Mhabemo Yanthan, IAS den tepila sentong ka Ura Bhavan, Raj Bhavan nung February 6, 2023 nü agia liasü.

Iba sentong nung Joint Secretary to Governor, Mhomo Tungoe menden liasü aser Commissioner and Secretary ajanga tenzükba aser office inyakyim tajungba kumdaktsütsü merangba atema pelaba lemsatapa liasü.

Section officer Jochule-i Commissioner & Secretary indang service record tongmelang agi lemsatapa mapang, T. Mhabemo Yanthan, IAS ya Commissioner & Secretary to Governor ka ama September 2019 nung Raj Bhavan-i aru aser iba jenjang

nung February 2023 tashi tenzük. Pai tenzükba mapang pandemic tensa tamajung ajurua liasü aser pai takok ngua len ani aser yaria liasü, ta lai ashi.

Commissioner & Secretary to Governor tasenba Wezope Kenye IAS ajanga Commissioner & Secretary to Governor tejenba dang pa mapa tasenba asoshi tenüngsang agüja liasü.

Iba office ya ajak külemi inyakba indang lir, anungji officer aser staff temi kasa lenmang nung amalitep kaa aotsü mepishir aser nüburtem asoshi nia tajungtiba nung tenzüktsü, ta pai ashi.

T. Mhabemo Yanthan, IAS ajanga tepila o jembidang Tulusang Tsüngrem aser Raj Bhavan nung staff ajunga dang pelaba lemsatapa aser tanen makai yaritepba ajanga iba tashi inyaktetogo, ta ashi.

Ketdangsür ajaki tajungtiba nung tenzükba ajanga item takok ya ngutet, ta pai ashi.

Pa Commissioner & Secretary to Governor ka ama inyakdang maongka, tayongzükba, tensa aser nisung balala ajuruogo aser itemji ajanga kija aser maparen nung shisatsü jenti angu, ta ashi.

Pai ketdangsür tem danga maneni kasa 'teamwork' tanüla nung tarutsü nunga yaritepa inyaktsü ajungshi aser Commissioner & Secretary tasenba Wezope Kenye, IAS lenisüba kübok alizüng tajung tongtetsü imlar, ta shia liasü.

Iba sentong nung Under Secretary, Kevingozo Visa ajanga melepzüng o jembi, ADC to Governor, Sqn Ldr Abhineet AK, PPS to Governor, Sureshkumar R.P, JSO, Ngope aser JSO, Avizo nunger temia jembia liasü.

OFFICE OF THE
AO SENDEN
"Kübur Asoshi" (For the People)

AYIMOKTSÜR

14 buba Nagaland General Election koba asen jakdang arudagi iba inyakyim nung Ao senso ajaki rajema kümdanga alitsü asoshi iba yimyim ayimoktsür. Tanü ajung asaa aseni rakzükraitem, sübokrem aser tashiyim amshia iba election nung takok angutsü asoshi inyaktepra iba jagi asen lima asoshi yimchiyimjung masü saka teraksa dang bener arua asen lima tarutsü tia tajungba ka dangi bener motettsü asünung ajaki tangatetba tajung aser ochi nung pei tata temeden yoka mechii shilem tajung agia tejangja yimden lenir tajung shimtetsü asoshi Ao Senso ajak dangi tayongzükba yimyim ayimoktsür. Candidate temi anir nütsüng nübur ajaki Naga lima ochi yimden yimli yangerba nung shilem tajung agitsü asoshi Ao sünak abener ajak dang ayimoktsür.

Sd/-
Chubawati Longchar,
President.

Sd/-
Imtipokyim,
Gen. Secretary.

Dimapur-III ya model constituency ka kumdaktsüner: Hekani Jakhalu



Hekani Jakhalu

Dimapur, Tsüklai/February 06 (TYO): State nung assembly election agitsü hopta ishika lia Dimapur district nung tetsür candidate ka kisüng alila, Hekani Jakhalu-i ashiba agi, Nagaland Legislative Assembly nung tetsür kodanga shilem magiba state ji Nagaland ya dang lir.

Hekani ya NDPP ticket amer Dimapur-III Assembly Constituency nungi tokteptsü aser lai telemtetba agiba tentet

tematiba nung la tetsürtem tenüng nung nokdakner aser tetsürtem ola ka ama süner, ta ashi.

La nükla ya north eastern states tem rongnung Nagaland ya tematiba jenjang ka nung yutsütsü aser itemji lanurtem animeso nung ang ataloktsü, ta Hekani-i Hombarnü Toluvi yimtsüng nung lar kidang la candidate sangdongba aser nübuyim tenzükba sentong nung ashi.

Hekani-i la ya 'minority' ka ama züngshir aser north east atema raradang ajangshibatem lai lemsatapa liasü. Dimapur-III Assembly Constituency nungya minority nütsüng yongsük shilem 50 lir aser parnok atema lai raratsü nangzük.

Dimapur-III nung healthcare facility, education tajungba aser nüngdakbatem agi peridakja model constituency ka kumdaktsütsü mangdang lir, ta lai ashi.

Mkg. nung NPF nungi tokteptsüpur atema ticket meshitet sarasadem sentong agi



Mokokchung, Tsüklai/February 6(TYO) : Naga People's Front(NPF) Mokokchung Division office tanu aruya aliba 14th Nagaland Legislative Assembly election

nung NPF ticket nungi tokteptsüpur 25thMongoya A/C nungi Wb.Moasangba Jamir,28th Koridang A/C nungi Major Toshikaba(Retd) aser 29th Jangpetkong A/C nungi

Wb.Imjongwati longkumer par asem indang ticket meshiteta sarasademtsüba sentong ka agiogo.

Ticket meshiteta Rev.Luin ajanga sarasademtsü aser iba sentong NPF Mkg.Div. Gen.Secretary Wb.Tangit Imsong ketdangsüba nung agia liasü.

Kasa sentong nung 28th Koridang A/C nungi NPF Candidate Major Toshikaba(Retd) aser 25th Mongoya A/C Candidate Wb.Moasangba Jamir tenatia mapang tatsütsü agia adenshia aliba NPF party lenir aser phukumertem den tena nükjidong lemsatapa liasü.

Polling personnel training atema metetdaksür

Dimapur, Tsüklai/February 06 (TYO): Deputy Commissioner & District Election Officer, Mokokchung, Shashank Pratap Singh, IAS ajanga sangdong ka nung ashiba agi, polling personnel/ Election ketdangsür atema training round 2 buba ya February 10 & 11, 2023 anogotem agitsü.

Presiding Officer aser Polling Officer-1 (tetsür aser tebur) training ya February 10 anepdang 9:00 ako nungi nikongdang 3:00 ako tashi Mayangnokcha Govt. Higher Secondary School nung agitsü.

Grade IV (tetsür aser tebur) training ya February 10, 2023 anepdang 10:00 ako nungi Auditorium MGHSS nung agitsü,

Polling Officer-2 aser Polling Officer-3 (tetsür aser tebur) training ya February 11 anepdang 9:00 ako nungi anüngdang 12:00 ako tashi Mayangnokcha Govt. Higher Secondary School nung agitsü.

Grade IV staff ajunga aser ano shirnokisa magütsü ali, parnoki training agiba anogo nung tawa tangokba passport photo (colour nung) ana-na bener arua agütsütsüla. Tenüng aser duty list indang serial number ya passport tesülen jangja-jangja zülutsütsüla. Polling personnel ajak training agiba tesem anepdang 8:30 ako tashinung tonger alitsüla. Postal Ballot atema Form-12 ya training agiba anogo agütsütsü.



(1) Chumoukedima district kübok Ghaspani-1 Assembly Constituency nungi JDU Candidate, Imsumongba Pongen-i aruya aliba Nagaland State Assembly atema nomination paper February 6, 2023 nü DC Office, Chumoukedima nung agütsüogo. (2) Chumoukedima district kübok 4-Ghaspani-1 Assembly Constituency nungi NC Candidate, Akavi N. Zhimomi-i aruya aliba Nagaland State Assembly elections atema nomination paper February 6, 2023 nü DC Office, Chumoukedima nung agütsüogo. (3) 22 Arkakong Assembly Constituency nungi NDPP candidate Imnatiba, Advisor, Industries & Commerce and Employment, Skill Development & Entrepreneurship ajanga pa indang nomination paper Hombarnü SDO (Civil) Changtongya indang office nung agütsüogo. (4) Dimapur II A/C nungi NDPP candidate Moatoshi Longkumer-i Deputy Commissioner, Dimapur indang office nung February 6, 2023 nü nomination paper agütsüdang tenzüngzüktep agiba noksa nung angur. (5) 30th Alongtaki Assembly Constituency nungi aruya aliba state assembly elections nung tokteptsü renemshia aliba candidates Er. Lanumar Longchar aser Minister Temjen Imna Along Longkumer na February 6, 2023 nü ADC Office, Mangkolemba nung nomination agütsüdang külemi tangokba noksa ka angur.

CJI, Chandrachud-i ketdangsüa SC Judge 5 tenangzükba agidaktsü

New Delhi, February 06 (Agencies): Hombarnü Supreme Court of India nung ano judge tasen pongu bendenlokogo aser ibaji densemabo SC nung judge ajak senteper 32 jungogo, anungji joko SC nung judge menden ana dang tazüing lir.

Anogo ana tejaklen Law Minister, Kiren Rijiju-i judge pongu tasen shimba osang sangdonga liasü; judge ponguji Justices- Rajasthan High Court nung chief justice Pankaj Mithal, Justice Karol (Chief Justice of Patna High Court), Justice Kumar (Chief Justice of Manipur High

Court), Justice Amanullah (Patna High Court) aser Justice Misra (Allahabad High Court) nunger lir.

Supreme Court nung judge tem shimba aser high court 25 nung chief justice tem shimba inyakym tsütsü sorkar aser judiciary tsüingda mangatettep adoka aruba sülen tesüsa Centre-i judge ponguji agizük.

Judge tem shimba tsütsü Centre sorkaria shilem aginer saka Supreme Court-i ibaji memelungba ajanga mangatettep adoka liasü.

Hombarnü Chief Justice of India, D Y Chandrachud-i

ketdangsüa judge tasen pongu nemji tenangzükba agidakja liasü. Yaküm December 13 nü Supreme Court Collegium-i SC judge shimtsü atema tenüing ponguji benoka liasü aser tawa Centre-i agizük.

Ano SC nung judge menden ana tazüing atema taküm January 31 nü Supreme Court collegium-i ano tenüing ana- Allahabad High Court Chief Justice, Rajesh Bindal aser Gujarat High Court Chief Justice, Aravind Kumar na tenüing benoka lir.

Centre-i tenaprongla agizükra Supreme Court nung menden ajak (34) abensatsü.

PM Modi-i Tumakuru nung Helicopter yangluba factory semzüktsüogo



Bengaluru, February 06 (Agencies): Hombarnü Ato kilonser, Narendra Modi-i Karnataka state kübok Tumakuru district nung Hindustan Aeronautics Limited (HAL) indang helicopter yangluba factory semzüktsüogo; linük nung helicopter yangluba factory tulutibaji ibai asütsü.

nung aerospace manufacturing ecosystem jenjang tajungba akümba den külemi school, colleges aser nisung aliba areas nung skill & infrastructure terenlok alitsü, ta Defence Ministry-i sangdong ka ajanga metetdaksü.

Bengaluru nung headquarters aliba HAL-i küm 20 tsüingda touzük ton 3-15 helicopter 1,000 dak tema yanglutsü aser iba nungji sen 4 lakh crore shi indoktsü.

Iba factory nung heli-runway, flight hangar, final assembly hangar, structure assembly hangar, air traffic control aser service facilities amenokba sülenbo maparen ajak tenzüktsü.

Iba factory yanglutsü atema 2016 küm Ato kilonser, Modi-i foundation lung azüingja liasü. Iba factory nung mezüingbo Light Utility Helicopters (LUH) dang yanglutsü saka khen lirbo Light Combat Helicopters

Iba factory nung mezüingbo iba factory nung küm shia helicopter 30 dang yanglutsü, iba sülen küm shia helicopter 60 yanglutsü aser tesülenbo küm shia helicopter 90 tashi yanglutsü, ta Defence Ministry-isa metetdaksü.

Opposition party balala nungi MP temi Parliament kima longkak ait



February 06, 2023 nü New Delhi nung Parliament kima Opposition party balala nungi MP temi Adani Group ochimashi ken o dak sendakba nung longkak aitba noksa nung angur.

New Delhi, February 06 (Agencies): Hombarnü Opposition party balala nungi MP temi Parliament kima Mahatma Gandhi kürakyanglu anasa longkak aita Hindenburg-Adani ken o bushisüingdangtsü atema Joint Parliamentary Committee (JPC) nem agütsütsüla mesüra Supreme Court-i ketdangsüa bushisüingdangtsüla, ta takhangba agütsü.

Opposition party temi Parliament House anaprongla nung iba onük nung o lemteptsü atema takhangba agütsütsü telemtetba agiogo.

Hombarnep opposition party balala nungi lenirtem Opposition Lenir, Mallikarjun Kharge indang Parliament

Chamber nung adenshia Adani-Hindenburg ken o dak sendakba nung o lemtepa asalentong yangluogo.

Iba senden nungji shilem agirtemji Congress, DMK, NCP, BRS, JD(U), SP, CPM, CPI, Kerala Cong (Jose Mani), JMM, RLD, RSP, AAP, IUML, RJD aser Shiv Sena party tem liasü.

Congress Tir, Mallikarjun Kharge-i Ato kilonser, Narendra Modi dang iba onük nung kechiba nai ola madoker, ta asüingdang.

Tawa US nung amenoka aliba Hindenburg Research report ka ajanga, Adani Group-i ochimashi mapa inyaker, ta metetdaksüba sülen Adani Group companies

kanga takoksa nguogo.

Ano külen tanga osang ka nung, Congress Party-i Adani Group ochimashi ken o anema linük tesem ajaklen Life Insurance Corporation (LIC) office kima aser State Bank of India (SBI) branches kima longkak aittsü, ta metetdaksü.

Opposition-i ashiba agi, Adani group-i SBI aser LIC ama public sector banks nung invest asüba ajanga India nunger million aikati sen rizüingba aliba tsütsü takoksa angutsü.

Sorkari Parliament nung iba onük nung o lemteptsü memelungba ajanga Parliament House anaprongla nung senden magiteti February 6 tashi senden thinenogo.

(LCHs) aser Indian Multirole Helicopters (IMRHs)-a yanglutsü.

Hombarnü iba factory semzükba sentong nung Defence Minister Rajnath Singh, Karnataka Chief Minister Basavaraj Bommai aser Ministry of Defence nungi tongti ketdangertem densema liasü.

Tarutsü nungbo iba factory nungsa LCH, LUH, Civil Advanced Light Helicopter (ALH) aser IMRH anepalutsü aser yanglushitsü sentong lir.

Bengaluru nung HAL facilities aika lir aser tang tesüsa helipecter factor semzükba ajanga region

IDBI BANK
APPENDIX IV
[RULES(1)] KIOJEN AGIBA NOTICE]
 Securitisation & Reconstruction of Financial Assets and Enforcement of Security Interest Act, 2002 (54 of 2002) kübok Section 13(12) aser Security Interest (Enforcement) Rules, 2002 kübok Rule 3 nung agüja aliba tashi nung ajemdaker tsüinglanglen sign süa alir **IDBI Bank Limited** nung ketdangseri **01.11.2022** anogo nung Demand Notice ka ajanga sen apur **Shri Lanuwapang Tzudir, M/s Tzudir Enterprises - Smart Shoppe** dang notice anguba anong nungi tenzükba anogo 60 tsüingda notice nung shia aliba **sen 25,02,624/- (Rupees Twenty Five Lakhs Two Thousand Six Hundred Twenty Four only)** agüjang, ta tuyua liasü.

Ajisüaka sen apuri senji magütsütem nungji sen apur aser public dang, iba Act nung section 13 kübok subsection (4) aser Security Interest (Enforcement) Rules, 2002 kübok rule 8 nung agüja aliba tashi amshia ketdangseri **2023** küm **February 4** nü tsüinglanglen shia aliba kiojen agiadokogo, ta sangdonger.

Talisa sen apur aser public dang iba kiojen dak sendakba nung kecha inyaksangshi masütsü metetdaksür, mesüra **IDBI Bank Limited-i sen 25,02,624/-** den iba anogo nungjagi sen tetemlok meshitsü.

Iba Act nung section 13 kübok subsection (8) nung ajemdaker sen apuri item kiojen alanzüktsü atema mapang shidak nung inyaksü metetdaksür.

KIOJEN OSANG TEJANGJA
 (Sen apur Shri Lanuwapang Tzudir meyong kiojen aser mortgage süa aliba aser mortgage asüsang)
 Village Diphupar, District Dimapur, State Nagaland nung Patta No. 139 nung aliba kimong aser tasazük 963 Sq.mtrs (and as per Jamabandi issued vide Deputy Commissioner order no. VLS-1/2015-D), PU/110891-95 dated 06th October 2015, Dag No. 25/194, Mouza No.03 and Patta No. 218, 'K' Khel House no. 78 (as per Land Patta Book issued by Diphupar Village Council).
 Bounded by: On the East by : Lhovichhe, On the West by : Leishiwon Kumrah, On the South by : Bendang, On the North by : T. AthongTikher.
 Yangji aliba building aser kiojen ajak den ali nung rema aliba plant aser machinery mesüra ali nung permanent süa remoka aliba ajak.
 Date: **04.02.2023** For **IDBI Bank Ltd.**
 Place: **Dimapur** Authorised Officer

New Delhi, February 06, 2023 : Hombarnü Parliament House nung Opposition Lenir, Mallikarjun Kharge indang chamber nung opposition party balala nungi MP tem senden amenba noksa nung angur.





TIR YIMYIM YIMOBILEM (EDITORIAL)

DIMAPUR SANGTENNÜ, TSÜKLAI (FEBRUARY) 07, 2022

Opposition alitsü imlar

Taruba March ita tom ka maodangyongi Nagaland nung government tasen ka kumtetter alitsü. Iba government-jibo tang amai opposition maliba government masü saka opposition tesashi aliba government ka asütsü imlar. Asenok ama nübertemi yimsüsürtem shimer government kümdaktsüba lima ka shitak renloka aotsü atema 'Ruling' nung alir yimsüsürtem dang nungibo opposition nung alir yimsüsürtem tesashiba alitsü nungdaker. Ano, taküm 2023 Nagaland election yabo tamalen agia aruba election dang nungi balaka, anungji shibai mesüra shirnoki anir government tasenbaji akümtsü meshitet ka kumogo. Atangji, tang yimsü tesüdak yimten teloktem rongnung tetsütiba ana NDPP aser BJP na lir aser tangar teloktemji yutsür tenabo külemi yaritepa aoer, ajisüaka tena tsüngda temeimtepbo mali amai repringtetter, anungji tena tsüngda nunga election mapang aser election sülena imlaa aliba dang nungibo meimlabatemang teimba ataloktsüa akok. Aji oda, taküm küm election nung ya balaka yimten telok onsara aitogo aser yimten telok karbo Nagaland nung nübertem aikatibo mangashi aser memetetba teloktema lir. Iba ama temeyoktep yimten telok tenüngtem aser tashi bener candidate aika toktepdang, tesem aika nung meimlaba nisungang aika adokadoktsüa akok. Ano, tebilemdangtsü kaji, tang election nung ya yimten telok katia constituency 60 prongla nung metoktepteter. Tetezüji, yimten telok kati dangbo tatar 60 aliba ait nung government akümtsü asoshi menden 31 angutsübaji kanga saksaker asütsü. Iba ama yimten tensa tia ka nung, taruba government ya telok kati dang akümtsübajibo yutsür, telok anatia mekümtettsüa akok, anungji telok asem pezüka meyoktepa longjemer külenang government tasenba küma angur. Iba ama tensa tia ka nung government anir aotsübaji tasak asütsü, anungji tamalen amato government kanga anakshia bener aotsüa akok. Iba denji ano yimsü tesüdak purtem asoshibo meinprongtsüka saka nübertem asoshibo tajangzük ta asütsüsa tatar senden nung opposition-a sashisashia alitsü imlar. Aji oda, tang election nung toktepertem rongnung pei pei tokteper teloktem NPF, Congress, RJP(RV), RPI(A), JDU, NCP aser NPP teloktem nungiang, meimlaika, tatar menden 30 dak tali ngutetra, ibaji ajak asoshi temangmangtsüka asütsü, anungji takok ngua yur government akümtsü mapang agitsüa akok. Atangji, taoba mapang government akümdang amato takok angur karbo adokli pei party toktsür tangar party nung adentsüa akok. Ibaji timtema opposition nung melinüba agi aser yimten tashi angudak 'ruling' nung dennüba agi asütsü. Ibaji asenok asoshi tasen masü. Item ajakji yutsür, koba teloki anir government kümdir kumang, government nung alir yimsüsürtem kümdangshidaktsür opposition nung amener tatar tesashi aser tajung karbo alitsü imlar. Aji oda, tatar senden nung Naga nunger nungdak benoka ken o lemtepa mapang tajung aika nübertemi angashitsü imlar. Atangji, tang election nung balakaji tetsürtem candidate-tem rongnung ka anatibo takok angutsüa akok, anungji asenoki Nagaland tatar senden nung tatar tetsüri shilema agia angutsübajia teimla lir. Asenok asoshi election nung tokteper nisung aika asübaji tajung, iba jagi nübertem nem tajung aika rongnung tajungtiba shimtsü maongka agütsür. Joko, asenoka yimten nung nübertem tenzüksü tangatetba nung ajemoker asünungji, shiba südir süang opposition menden nung amen aremtsüla. Opposition menden nung amen marem, election nung party ka tenüng nung tokteptsü aser adokli ka nung oa adentsü ta asübaji yimten nung nüktapangtaba mapa ka lir. Iba jagi pei dak yimten tangatetba masü saka pei ajung asaa inyakba jakla ka sayur aser nübertem akoksadaktsür. Iba amaji senzüa-senzüa tamongdak ka mamong akümtsü aser teti tanishir masü tanidakersa asütsü aser oda-odabo tanidaka mashi kümer, shinga-a masü akümtsü.

OLEMSABANG

BJP GOVERNMENT MASÜ OCHISHIRAJANGA DANG TERENLOK

- Dr. Imtisangba Longchar

Naga nunger politician aser party workertem BJP ticket hon amai raktepba mapang ka lir. Parnok ola angadang nung tongtibang kuli kar: (a) Naga nunger teimbai BJP aginer/meimer (b) Modi-Amit Shah leadership ajungba agi (c) Development program sentong ajungba agi (e) BJP aru nung dang Assam, AP, etc ama renloka aotsü (f) Nagaland resources kecha mali, Centre nung aliba Govt. den sentaktepa ali nung dang development sen peria arutsü, etc. Aji oda süaka, lenir shingaia BJP ideology, manifesto ajungba agi ticket bushir tabo tasü ita ashiba mangashi. Naga nungeri BJP nungi sen imlar dangashi, ideology-bo magizükteter ta sayur.

Saka tamanger ola, citizen ka shibai alima yanglutsü janngar parnok olaji political party kisüngi masü, saka ochi shia inyakba ajanga dang lokti dangi terenlok bener arutsür ta noktaksüla. Sen aser pei ajungtsü dang bilemba leniri yimsü asüba agi Nagaland worst performing state ta sangdongogo. India nung tongti BJP party lenirtemi zero tolerance against corruption ta aiben jembiba angur, saka Nagaland nung NDPP-BJP corruption inyakbabo aiben ola madoki yutsüba angur. Nagaland nung unemployment problem, electric city, lenmang majungba, medical college kata maka, project ajak half-done or just 10% dang inyakba angur. Senbo ajak aruradoker, saka mapabo matem ta asübaji "corruption" ajanga lir. Ya BJP-NDPP alliance lenirtem ochimashi mapa ajanga lir ta metetdi. Corruption ajanga BJP-NDPP candidate ajak amai crorepatti kumogo ta Morung Express nung sangdongogo aser pei ajungtsü asoshi dang bendenba agi parnnokba crorepatti saka development maka. Anungji centre nung aliba BJP Govt. aru nung dang Nagaland development arutsü ta asübaji khenyongi tai. Corruption dang tali akümtsü. BJP masüba state aika nung government lir aser parnok aikati ochi shisa inyakba ajanga terenlok mapa aika inyakba aoba angur. Anungji BJP-I masü, saka ochi mapa agi dang terenlok bener arutsü.

Ano tongtibang issue ana jembibaji: (a) Nagaland nung Yi meyokdaktsüba agi ita shia sen crore noklang aika lost asür ta jembir. Yi ya dang Naga nunger revenue angudakjibo asü? Nagaland nungbo factory balala teyanglu ta tenokdangba agüja ali asü? Kechiba tanga factory ochimashi mapang ajanga, tat.agi, paper mill, sugar mill, cement factory, etc. südaktsüba aser item nungjagi revenue lost asüba indangbo mejembir? West Bengal, Tamil Nadu, etc nung factories merijanga 5000 tema lir. Nagaland kechi ajir? Joko Nagaland state ngur küm 60 tashi arur, state own revenue generate mesütettsüsa akümbaji corruption aser mangdang makaba lenir nem mapang talangka anishidaktsüba ajanga lir. Nüburtem tai asü, government deficit kümdaktsüba lenirtem tai lir. New Zealand Prime Ministeri küm tenet tashi inyak aruogo, kü kolok shisatsü aser sempet ajak agi iba tashi ya dang tongtet, anungji lenir kari inyaktsüla ta nungloktsüba nguogo. Taintemi joko lanurtem nem menden agütsütsüla. Mapa nung retired sür nai kechi inyaktettsü? Lanurtem nem yimli agüjang aser takok asoshi parnok nungitsü mapang tongogo.

MLA/Minister takok ngua inyakogo ta asübaji par constituency nungi Govt. mapai nisung paikati anioktsü ta asübaji lir. Ya khenyongi tangatetba tai. Mapa maliyonga Govt. mapai back door ajanga party worker aniokba ajanga Govt. employee onsara akümba agi Nagaland nung development mapa kechia meinyakteter. MLA/Ministeri mapa balala purateta alima ajunga nung inyak aotsü aotsü lenmang sayutetba lenir nungdak, aser alima balala nung tesendaktep yanglutsütetba lenir Naga nunger nungdaker. Tanga lima nung nüburtem oa inyakba ajanga state revenue aika anguba angur, tat. agi., Kerala, Gujarat, Philippines, a.a. Anungji tanü education tajung akar, mangdang aser tarutsü lima meimba lenir nungdak. Hoi, Aortem, ochimashi aser tashi meimer lenirtemi sen bener vote alii arutsü, BJP ajanga dang development bener arutsü ta teyazü ashitsü, arogoi yimden nung shilem magitsüla ta ashitsü, etc. item anemaji asen senti meyong amajok nung melaluli ta ayongzüker. Shisa kati.

**Iba Olemsabang nung lemsaba ken-o aser shisatsü ya iba ocet züluri
bilemba ken-o ama tazünger angateta agitsü mepishir**

Maverick City Music-i Christian category nung Grammy ajak angu



February 05, 2023 aonung Los Angeles nung Maverick City Music-i Grammy Award agizükdang tangokba noksa nung angur.

February 06, 2023: Maverick City Music-i Khristan category pezüprongla nung Grammy award nguogo; parnoki Best Gospel Performance/Song ("Kingdom" feat. Naomi Raine & Chandler Moore), Best Contemporary Christian Music Performance ("Fear is Not My Future" feat. Brandon Lake & Chandler Moore), Best Contemporary Christian Music Album ("Breathe") aser Best Gospel Album ("Kingdom Book

One" Deluxe) award angu. Maverick City Music label ya 2018 küm tenzüka liasü aser song-writing camps ajanga Khristan osangtajung kentener aser ken mejemer 100 dak tema longjemdaksüogo. Yaküm parnoki Grammy award sentong nunga shilem agia liasü. February 05, 2023 aonung Los Angeles nung ayongzükba Grammy award sentong nung Tennessee State University

Marching Band-i Grammy award ka angu aser ibaji tanak nisung university mesüra college-i tang mezüing Grammy anguba liasü. Tennessee State University Marching Band-i 'The Urban Hymnal' kensep ajanga Best Roots Gospel Album award angu. Ano külen pop kentener, Beyonce-i Grammy award pezü angu aser ibaji densemabotang tashi nung lai Grammy ajak senteper 32 nguogo.

Barrow nung küm 40 ser tekübokpur mamangertem teimba kümogo

February 06, 2023: England kübok Barrow nung arrshi küm 40 ser tekübokpurtem Tsüingrem dak amangertem dang nungibo mamangertem teimba kümogo; parnok 'Khristan' ta langzürtem dang nungibo 'tamangba yimsü mali' ta langzürtem teimba kümogo, ta survey tasen ka ajanga bushitet. Office for National Statistics data ajanga ashiba agi, Barrow nung arrshi küm 40 ser tekübokpurtem nisung 16,900 (shilem 56)-i "tamangba yimsü mali" ta langzür aser nisung 11,500 (shilem 38)-i dang parnok "Khristan" ta langzür. Iba ya tamalen 2011 census den meputeper, kechiyong iba mapang nungjibo arrshi küm 40 ser tekübokpur shilem 60-i parnok Khristan, ta langzür aser

shilem 32-i dang 'tamangba yimsü kecha mali' ta langzürta liasü. Iba census osang ya ajanga Barrow jila nung tamangertemji teburtem dang nungibo tetsürtem teimba ta jangjar. 2021 küm March ita nung Humanists UK teloki nübertem dang "tamangba yimsü mali" ta shimtsü atema nübo ayongdena liasü, aser tang survey osang tasentiba ajanga tarutsü nung linüki yimsü maliba tensa ajurutsü temaitsü sayur. Carlisle Arogo nungi Dave Roberts-i, "Census ajanga tang tasentiba statistics ya Arogotem aser tamangba yimsü telok balala atema tayongzükba lir," ta ashi. "Arogo ka ama onokia maneni tanur-tain ajak

ayimjemtsü meranger, koba ajanga parnoki Yisu Khrista indang osangtajung angashitsü," ta paisa ashi. "Barrow nunga amenoka aliba Network Youth Church-i inyakba mapatem atema onoki tenüngsang agütsür. Parnoki county nung lanur aser lenir 2,000 ayongdena tekülem agiba den sentong balala agir," ta paisa metetdaksü. Roberts-i, "Onok indang God for All Vision atema Digital Strategy ya kanga tongtibang. Iba ya ajanga Digital Support Enabler, Eleanor Ledesma-i Arogotem aser mission mapa inyaktertem den külemi longjemer inyaktsü, koba ajanga lanurtem den sendakteptsü asoshi digital tasentiba amshitsü," ta metetdaksü.

Pakistan nung Arogo lenirtemi General Musharraf nem akhüm agütsü

February 06, 2023: US leniba nung alima linüktemi kiralongra anema sashia raraba mapang nung Pakistan nung yimsüsür, General Pervez Musharraf nem Khristan lenirtemi akhüm agütsü. Taoba mapang Pakistan Tir, General Musharraf-i 1999 küm nungi tenzüka küm ter jungnüa linük yimsüsüa liasü. February 5 nü Dubai nung General Musharraf asü; pa arrshi küm 79 liasü. Caritas Pakistan chaplain, Inayat Barnard-i, General Musharraf ya yimten yimsüsür takutet ka liasü; Pakistan nung kiralongra malitsü atema pai tasü itta inyak, ta metetdaksü.

"Ochimashi malisang Tir teti bilemtettsü. Pa tanela tesünep nung anisüngzüktsü atema sarasademtsür," ta Khristan putirisa metetdaksü. Multan nung putir, Yousaf Sohan-ia taoba Tir Musharraf-i linük nung Khristantem densema minorities nungita aruba bilemteta asür nem akhüm agütsü. Osangbener den jembidang pai, "Pa asüba osang angashia aoksar. Pai inyakba mapa tajung onoki (Khristantem) teti bilemtettsü," ta ashi. General Musharraf ya 1943 küm August 11 nü India yimtiba, Delhi nung aso aser 1947 küm

pa arrshi küm 4 asüadang par kibong densema Muslim nung million aika Pakistan-i ao. Pa Catholic Arogoi ketdangsüba St. Patrick's School, Karachi nung azüing aser Lahore nung Arogoi ketdangsüba Forman's Christian College (FCC) nung azüingba sülen 1961 küm Pakistan Military Academy nung azüing. Pa Pakistan Tir inyakba mapang nung pai Arogo aser Khristantem atema mapa tajung aika inyakja liasü aser item rongnung school 10 densema kakat reju 59 Arogo nem tanaben meyipa agütsüba densema lir.

ANOGO ABEN TSÜNGREM DEN

Khrista den telungjem pezüsü

"Nenek Kü Nütsüngtem"- Yn. 15:8

Yohan 15 nung item telungjem pezüsü indang jembir. Tekong itemi züngang- 5,15,20,27. Tekong 5 nenok "kongsangtem," 15 nung "tembartem," 20 nung "kilirtem," 27 nung "kulitem."

Asenok "kongsangtem" anungji asenoki Pa asoshi mapa inyaker. Asenok Pa kulitem, anungji asenoki Pa indang jembir. Kongsangtem, tembartem, kilirtem, kulitem; Aji asü nung Pa asenok taküm, aser asen tepela, aser asenok Kibur, aser asenok omen!

Anungji item mapa pezü ya tebilemba balaka pezü lir. Asenok "kongsangtem," iba jagi süngjang atangtsü indang jembir. Asenok "tembartem," iba jagi telungjem indang jembir. Asenok "kilirtem," iba jagi Yisui ashi, rishikangshitsü. Asenok "kulitem," aser iba asoshi asenok dangi Süneptsüba, Tanela Temeshi yoktsü nangzük.

Item mapa pezü jagi Khristan taküm ka jenjang shidak nung yutsür. Mezüngbuba anaji tanelaren. Tanga anaji mapa. "Kongsangtem" aser "tembartem" jagi asenok Kibuba den telungjem indang jembir. Asenok tesendaktep "kilirtem" aser "kulitem" jagi mapa aser ashiba indang jembir.

Kongsangtem jagi süngjang tangtsür! Kechiba, iba jagi tanelaren tasen kümshiba indang jembir. Tembartem telungjem tepela! Kechiba, iba jagi tanelaren maangka indang jembir. Pai mulungba ataloktsüba kilirtem- kechiba, iba jagi tanelaren merangba indang jembir. Pa asoshi tangar dang kuli asüba! Kechiba, iba jagi teinyak mapa indang jembir. Anungji

asenok Pa den telungjem pezüsü akaba jagi tetezü tulu agütsür!

Anungji asenok shidak Lai nendaka bushirtem süra item telungjem pezü sü nung kecha tetsükdakba makai iba ajanga asen mulungjang nung tepela kadakja tayongzükba agütsür. Item mapa pezü asen mulung nung yur, asenok sasa item tasüngdangbatem asüngdangdi: (1) kongsang ka ama ni khrista den shidak tesendaktep lir na? (2) Ni anogo shia Pa den telungjem kar ma? (3) Alimai sempaaka, ni Pa dak tamang katetta tenzükdar ma? (4) Kotak nungi yokba Tesüneptsür ain nung ni anogoshia osangtajungji kümdanga agütsüdar ma?

Tsüngrem chirtem den lungjemba metetta aliba ajanga anogoshia temulungjang sünga temoatsü, tepela agi sünga alitsü. Asenok Pa den telungjem akaba shidakbaji teti tatem maka taküm lir. Iba metetta alibaji kotak alima nung tenzükdakba lir.

Myanmar nung maneni sepaitemi Tenla ki ka poksatsüogo

February 06, 2023: densema Tenla ki aika maneni amaker mesüra raksatsür. Myanmar nung Arogo lenirtemi linük nung tekülem kitembo kümzüka ayutsü tayongzükba agütsüyonga February 4 nüa sepaitemi shells ajanga Tenla ki ka poksatsüogo. Kayah state kübok Hwarikhu yim anasa sepaitem aser lisopur teloktem tsüngda raraba sülen sepaitem indang shells anati Pekhön nung aliba Our Lady of Sorrow Tenla ki poksatsü. Shells anati Tenla ki kongshiba ajanga tsüngbang aser kilem mejungi raksa. Kayah aser Shan state na tsüngda arrtsülen sepaitemi shells amshia amakba ajanga Hwarikhu yim dak Arogo züngsem meyirjang aika jenshiogo. Khristan nütsüng teimba aliba tesemtem rongnung Pekhön densema lir aser iba tesem nung sepaitemi Tenla ki 10 shi raksatsüogo. Iba Arogo kübok Tenla ki trok shibangogo aser Sacred Heart Cathedral

Taküm January 20 nüa Chan Thar nung küm 129 tejaklen yangluba Our Lady of Assumption Tenla ki sepaitemi rongdoktsüogo. Hopta ana tejaklena linük nung Khristan lenirtemi sepa ketdangsertem dang tekülem kitembo mamaktsü mepishia liasü. January 20, 2023 nü Yangon nungi Cardinal Charles Bo den Archbishops ana- Marco Tin Win aser Basilio Athai nungeri shidi ka ajanga, "Nüburtemi tesünep bushiba aser tatok meshiba tesemtema sepaitemi amaker," ta metetdakja liasü. Nütsüng million 54 aliba Myanmar linük nung Khristan nütsüng shilem 6 jungnüa lir aser Buddhist nütsüng shilem 89 lir.

AO OSHI ANGAZÜKDAK:

TANÜ ANGAZÜKTSÜBA OJANG

Osetyangtetshi

(adv) osettsüset tapu balala tajungba aser teimba yangluteta aoba (industrialisation)

* Osetyangtetshi maparen agi alima karaa renlokdaktsür.

Osetyangsoshiba

(n) osettsüset yangluba maparen nung temelenshi tulu adokba (industrial revolution)

* Taoba putu nung Europe lima osetyangsoshiba agi balaka renloka ao.



Tir Yimyim

OLONG PAITEP # 6421

Grid for crossword puzzle #6421 with numbers 1-18.

TIPLÉN

- 1. Inyaker ajangletba
3. Bangsemo adokdak
6. Shitak mesüi inyak
7. Ya mimong nung angur
9. Reprangzük
10. Tasola
11. S _ _ _ _
13. Yagi ajak ashioxtsür
15. Ki aokba oset
17. Ak shi nung inokba tasen
18. Ishika

LANGTSÜNGLEN

- 1. Meshidak
2. Tanaben soshir
3. Iba anogo
4. Meshi
5. Yagi mi tsükloker
6. Shi tapu ka
8. Yagi ayimer saka ozü masü
9. Ajokba shiruru ka
12. Inyaktet
14. _ _ _ hi
16. Akümüli nungi pilar

OLONG PAITEP # 6420 TELANGZÜBA

TIPLÉN :

- 1. Telok, 4. Aluru, 6. Ozüng, 8. Emk, 9. Kin, 10. Teti, 12. Süir, 13. Jen, 14. Ola, 16. Talak, 17. Mazük.

LANGTSÜNGLEN :

- 1. Tenükjang, 2. Luden, 3. Kioktsü, 5. Lentü, 7. Tajangzük, 11. teronem, 12. Sempa, 13. Jahaz.

Agüja aliba noksa nung meputepi aliba bushiang



Tanur asoba anogo nung salem osang den noksa angati adokdaktsünüra - Tenüng, Küm, School, Talidak & salem osang tejangja zülur, noksa (photograph - any size) ka den anogo 3 mesüra 4 jelia e-mail : tiryimyim@gmail.com nung yokang mesüra Tir Yimyim bureau tem nung agüjang.

Manipur kübok Lalpani nung truck gari 300 anendena lir



Imphal, February 6, 2023 (Agencies): Manipur kübok Lalpani nung khu abenba truck gari 300 shi anendena lir.

Jiribam district headquarters ajanga Silchar-Imphal indang national highway nung garitem anena lir.

Truck driver ka dak azükba aser ozüng alema tax saruba

anema Jiribam Road Transport Union, Manipur (JRTUM) aser Silchar Truck Drivers' Association, Assam kübok driver temi "steering wheel-down strike" tenzük.

Iba lenmang nung anogoshia khu abenba garitem den tanga gari 2000 tema senzür.

Manipur kübok Noney

district nung Keimai Police station nungi police kati Honibarnü Silchar, Assam nungi Abdul Haq (40) ta ser driver ka dak azük, ta JRTUM General Secretary L Maniton-i ashi.

Truck driver-i entry fee Rs 300 agütsüsü memulungba atema police-i azük. Pai normal entry fee Rs 20 agütsüsü saka idangji police-i tejashi nung pa dak kanga mejungi azük. Pa kanga mejungi yirur local health centre ka nung anepaludar, ta General Secretary-isa ashi.

"Onoki police-i tashiyim inyakba aitsür aser sorkar aibelenba police nem temerenshi magütsü nungbo lungkak aitba sentong tuluba agütsü" ta L Maniton-isa ashi.

Tripura nung CM aser cabinet tasen akümtsü; BJP atsüngdoktsü

Agartala, February 6, 2023 (Agencies): BJP ya linük nungi samatsüsü aser mapang tatsüka lir Tripura nung Chief Minister tasen aser cabinet tasen ka akümtsü, ta CPI (M) state committee secretary Jitendra Chaudhury-i ashi.

Hombarnü CPIM dena Left Front telok pezü den Congress lennirtemi külem osangbener senden ka ayonga amen.

Parnoki Tripura Chief Electoral Officer (CEO) den ajurutepa state indang tensa osang lemsateptsü ta metetdaktsü.

"BJP-i tiyazü tenangzükbatem agia sorkar akümtsü tashi angu aser tesüiba küm 5 tsüngda

temeten ajak alenbangogo" CPI (M) state committee secretary Chaudhury-i ashi.

"BJP-i nübertem indang mapa ajunga anen aser meimchir anema mapatem tenzük. Tesüiba küm 5 tsüngda parnok ajak auyaago aser nübertem indang facility ajak anen. BJP-i sorkar akümba sülen election ka danga tiptema magitet" ta pai ashi.

BJP-i constitution aser democracy mali ama kümdaktsüogo anungji nübertem sadoksadoka tanga sashitetsü atema tan election ya kanga tongtipang lir, ta paisa ashi.

"Iba sorkar nungi nübertem kümzüksü aser BJP atsüngdoktsü atema onoki longjemogo. Onoki

law & order bener arutsü aser democracy asentenshitsü. Tripura nung Chief Minister tasen aser cabinet tasen ka akümtsü" ta Chaudhury-isa shisem.

"BJP-i sorkar akümba sülen Congress indang office 44 shi raksatsü aser CPIM office 400 tema samatsüogo" ta PCC president Birajit Sinha-ia ashi.

"Tripura state nung tetsübu tensa ka ajurua lir. Nübertem asoshi onoki Tripura nung BJP atsüngdoktsü atema longjemogo. Parnoki kin aser tamangba yimsü nung ajemdaker politics inyaker. Iba election nung nübertemi BJP atsüngdoktsü. BJP ya linük nungia samatsü" ta pai metetdaktsü.

[See Regulation-15 (1)(a)] / 16(3)

DEBTS RECOVERY TRIBUNAL GUWAHATI

Suwarna Bhawan, House No. 12, New Town Path, Near Hanuman Mandir, G.S. Road, Ulubari, Guwahti- 781007 (Assam)

Case No.: OA/434/2022

Summons under sub-section (4) of section 19 of the Act, read with sub-rule (2A) of rule 5 of the Debt Recovery Tribunal (Procedure) Rules, 1993.

Exh. No.: 2793

CANARA BANK VS MR V ANISE ANAR

To, (1) MR V ANISE ANAR

D/W/S/O- Son of Shri L Vitokyu

Son of Shri L Vitokyu House No 26 Lengrijan, Village Dimapur 797112 Nagaland

Dimapur, NAGALAND -797112

(2) SRI TSIPONGSE ANAR

SON OF SHRI L VITOKYU HOUSE NO 26 LENGRIJAN VILLAGE DIMAPUR 797112

NAGALAND DIMAPUR, NAGALAND -797112

SUMMONS

WHEREAS, OA/434/2022 was listed before Hon'ble Presiding Officer/Registrar on 30/01/2023.

WHEREAS this Hon'ble Tribunal is pleased to issue summons/ notice on the said Application under section 19(4) of the Act, (OA) filed against you for recovery of debts of Rs. 3787054.37/- (application along with copies of documents etc. annexed).

In accordance with sub-section (4) of section 19 of the Act, you, the defendants are directed as under:-

(i) to show cause within thirty days of the service of summons as to why relief prayed for should not be granted;

(ii) to disclose particulars of properties or assets other than properties and assets specified by the applicant under serial number 3A of the original application;

(iii) you are restrained from dealing with or disposing of secured assets or such other assets and properties disclosed under serial number 3A of the original application, pending hearing and disposal of the application for attachment of properties;

(iv) you shall not transfer by way of sale, lease or otherwise, except in the ordinary course of his business any of the assets over which security interest is created and/ or other assets and properties specified or disclosed under serial number 3A of the original application without the prior approval of the Tribunal;

(v) you shall be liable to account for the sale proceeds realised by sale of secured assets or other assets and properties in the ordinary course of business and deposit such sale proceeds in the account maintained with the bank or financial institutions holding security interest over such assets.

You are also directed to file the written statement with a copy thereof furnished to the applicant and to appear before Registrar on 10/03/2023 at 10:30A.M. failing which the application shall be heard and decided in your absence.

Given under my hand and the seal of this Tribunal on this date:01/02/2023.

Signature of the Officer Authorised to issue summons.

Note :Strike out whichever is not applicable.

Debts Recovery Tribunal

Form No. 3
[See Regulation-15 (1)(a)] / 16(3)

DEBTS RECOVERY TRIBUNAL GUWAHATI

Suwarna Bhawan, House No. 12, New Town Path, Near Hanuman Mandir, G.S. Road, Ulubari,
Guwahti- 781007 (Assam)

Case No.: OA/433/2022

Summons under sub-section (4) of section 19 of the Act, read with sub-rule (2A) of rule 5 of
the Debt Recovery Tribunal (Procedure) Rules, 1993.

CANARA BANK
VS
MESSERS CINNAMON TREE

Exh. No.: 2792



To,
(1) MESSERS CINNAMON TREE
Proprietorship firm of Mr Atoho Shikhu House No 31, Angami Khel Notum Basti Dimapur 797112
Dimapur, NAGALAND -797112

(2) MR ATOHO SHIKHU

S O MR H K SHIKHU HOUSE NO 31 ANGAMI KHEL NOTUN BASTI DIMAPUR 797112
DIMAPUR, NAGALAND -797112

(3) MS V KAHOLI ZHIME

W O MR ATOHO SHIKHU HOUSE NO 31 ANGAMI KHEL NOTUN BASTI DIMAPUR
797112
DIMAPUR, NAGALAND -797112

SUMMONS

WHEREAS, OA/433/2022 was listed before Hon'ble Presiding Officer/Registrar on 30/01/2023.

WHEREAS this Hon'ble Tribunal is pleased to issue summons/ notice on the said Application under section 19(4) of the Act, (OA) filed against you for recovery of debts of Rs. 2925175.57/- (application along with copies of documents etc. annexed).

In accordance with sub-section (4) of section 19 of the Act, you, the defendants are directed as under:-

(i) to show cause within thirty days of the service of summons as to why relief prayed for should not be granted;

(ii) to disclose particulars of properties or assets other than properties and assets specified by the applicant under serial number 3A of the original application;

(iii) you are restrained from dealing with or disposing of secured assets or such other assets and properties disclosed under serial number 3A of the original application, pending hearing and disposal of the application for attachment of properties;

(iv) you shall not transfer by way of sale, lease or otherwise, except in the ordinary course of his business any of the assets over which security interest is created and/ or other assets and properties specified or disclosed under serial number 3A of the original application without the prior approval of the Tribunal;

(v) you shall be liable to account for the sale proceeds realised by sale of secured assets or other assets and properties in the ordinary course of business and deposit such sale proceeds in the account maintained with the bank or financial institutions holding security interest over such assets.

You are also directed to file the written statement with a copy thereof furnished to the applicant and to appear before Registrar on 10/03/2023 at 10:30A.M. failing which the application shall be heard and decided in your absence.

Given under my hand and the seal of this Tribunal on this date: 01/02/2023.

Registrar, NCT

Signature of the Officer Authorised to issue summons

Note : Strike out whichever is not applicable.

Molungnen O

Lt. Er. Marnokden



September 06, 1969 - February 01, 2023

Ozü temeimtiba Lt. Er. Marnokden shiranga alidang nungi ozü asükhu tatebang anogo tashi ana aser talang nung alir ajaki pei akaba tajungtiba agi yaria aruba aser ozü azüngmeyaka alidang süngzüksüba asoshi nenok nem meyiba agutsütsü kecha maka saka asen Teyanglur Tsüngremi nenok ariabilem mapa tajung teti moajangma.

- Temeim Kinungtsü, Chirnurtem aser Kinungertem.

Nepal cabinet nung minister temi mapa toktsü

Kathmandu, Tsüklai/ Okadak ajanga obendang
February 6 (Agencies): agütsüba mapang Lamichhane
Nepal nung Rashtriya ya Deputy Prime Minister aser
Swatantra Party-i, Pushpa Minister for Home Affairs
Kamal Dahal 'Prachanda'-i liasü.

anir tawa tentetba sorkar Mapa nungi aginba sülen
toktsütsü atema telemtetba Lamichhane-i pa mapa maneni
agiogo aser ruling coalition meyipa agütsütsü khanga Ato
yongtsü nung mangatettep Kilonser Prachanda den
adoker aliba mapang ka nung senden aika menogo aser
minister tem ajaki mapa takhangba mataloktsüra party
toktsütsü lemtetogo. toktsütsü amokmerena liasü.

RSP ya Nepal sokar kübok Lamichhane-i aniba RSP
party tulutem rongnung party yagi 2022 küm November
pezübuba lir aser parnoki ita agiba General Election nung
Deobarnü senden ka mena takok tajung ngua tang aliba
sorkar toktsütsü atema party melena parnokia sorkar
telemtetba agiogo, ta party tir kümtettsü tashi sayua
Rabi Lamichhane-i ashi. nüburtem nem timla agütsü.

"Minister temia tanü Ato Ajisüaka tawa party tem
Kilonser nem parnok mapa yongtsü nung mangatettep
nungi anenba shiti agütsütsü," adoka Passport meshidak
ta Lamichhane-i ashi. beshiba dak sendakba nung

Supreme Court-i ketdangsürtemi Lamichhane
Lamichhane indang lisopur bushisüngdang tenzükogo.

jenjang ya "invalid" ta Lamichhane-i mapang ka
obendang agüja pa MP mapa nung American aser Nepali
nungi atsüngintsü tetuyuba passport amshiba nguteta liasü.
agütsüba sülen sorkar kübok Iba dak sendakba nung tang
party tem yongtsü nung taoba ken o bushisüngdangdar.

ita nungi mangatetp adoka January 27 nü Nepal
arudar. Supreme Court-i RSP

mendenbuba Rabi Lamichhane MP mapa nungi anentsü aser
ashiba agi, parliamentary election nung tokteptsü atema
pai citizenship certificate agütsüba ya meshidak liasü.

Citizenship certificate magi kümtsüba sülen pa home
minister aser party tir mapa nungi agina liasü, ta
Kathmandu Post sangdong ka ajanga metetdaksü.

Supreme Court-i obendang agütsüba nung Lamichhane ya
America senso agizükba sülen Nepal senso masü kümogo, ta
Nepal senso masü kümogo, ta jangja jangja shia lir. Ajisüaka
pai lower house election nung tokteptsü atema Nepal indang
passport amshia liasü, ta Kathmandu Post-isa metetdaksü.

RSP MP temi Ministry of Labor, Employment aser Social
Security, Ministry of Education, Science, and Technology bener
liasü. Ano minister tem rongnung kati state minister of
the Ministry of Health and Population mapa bener liasü.

United States Tir Joe Biden-ia sangdong ka nung iba
menoknok aser Turkey aser Syria nung nisung takum
akoksaba asoshi jashir ta ashi aser Washington nungi teyari
agütsütsü nangzüka liasü.

Turkey, Syria menoknok nung asür nisung 1,900 alemer

Istanbul, Tsüklai/February 06 (Agencies): Southeastern Turkey aser northwestern Syria nung menoknok tesashi anaben anokba lendong nung asür nisung 1,900 alemer.

Turkey nung iba lendong nung asür nisung 1,498 jungogo, ta linük indang Disaster and Emergency Management Authority tekolakba ajanga sangdong ka nung ashi,

Menoknok agi kongshia aliba tesem ajunga nung teyariteper oa lir aser ano nübu tali maneni yoker, ta Orhan Tatar-i ashi.

Iba menoknok lendong nung nisung 8,533 yiru aser ki-o-jen 2,834 dak tema raksaogo, ta pai ashi.

Mezüngbuba menoknok ya Hombarnep 4:17 ako (par mapang) meta Turkey indang Gaziantep yimti nung anak tenzük aser iba mapang nisung ajak mejanger liasü. Menoknok ya asadangka magnitude 7.8

liasü aser Cyprus, Egypt aser Lebanon nungia metet.

Iba sülen ghonda ishika lir tanabuba nenoknok ya magnitude 7.6 nung anoka liasü.

Ketdangsür temi 'level 4 alarm' sangdong, anungji linük balala nungi teyari meshir. Iba menoknok ya Kahramanmaraş province kübok Elbistan region tiyong sür anoka liasü, ta ashir.

Menoknok agi kongshir aliba tesemtemi search and rescue team tem idangjisa yok, ta Turkey tiri shia liasü. Linük indang armed forces temi mozü aser rescue team tem menoknok agi kongshia aliba tesem tongtettsü atema air corridor amenoka lir, ta Turkey defence ministry ajanga ashi.

Küm 11 dak tema raraba ajanga raksatsür aliba Syria linük nunga iba menoknok agi asür nisung 783 jungogo, ta opposition kübok aliba tesemtem nung sorkar aser

tekumzükter temi ashi.

Sorkar kübok aliba Aleppo, Latakia, Hama aser Tartus province tem nung asür nisung 403 jungogo aser 1,284 yirur lir, ta Syrian Ministry of Health ajanga ashi.

Sorkar anemer kübok aliba tesem nung inyaker White Helmets rescue group ajanga ashiba agi, nisung 380 dak tema süogo aser 1,000 dak tema yirur lir.

Turkey ya mapang shia menoknok anokba tezük ka nung lir aser 1999 küm linük northwest tsütsü menoknok tesashi ka anoka nisung 18,000 shi asü.

Iba osang angashia linük balala nungi lenirtemi teyari agütsütsü nangzüke. Russia Tir Vladimir Putin, shiba Turkey aser Syria sorkar den tesendaktep junga lir, pai Erdogan aser Assad dang asükhu lemsatetp aser teyari

Frolic Cup: United Falcon Club aser MVYO na semifinal-i iogo



Winfield nungi asayar Phiban aser MVYO nungi asayar Vikholie na ball raktepba noksa nung angur.

Dimapur, Tsüklai/February 6 (TYO): Frolic Club-i ayongzüka tang Medziphema local ground nung asaya aliba Frolic Cup nung Medziphema village youth org., Fury FC, United Falcon Club aser Amigos FC nung semifinal-i iogo

Hombarnü tasembuba quarter final asaya United Falcon Club aser Ton FC Molvom na asaya liasü. Iba asaya ya United Falcon Club-i goal 2-1 agi koka parnok semifinal-i iogo.

Asaya nung mezüngbuba goal ya UFC nungi Viketouzo Vasa-i asaya tenzüker minute 15buba nung free kick ka ajanga idaktsü. Ajisüaka Ton FC-ia minute 28buba nung Jangtinlun-i Free kick ka ajanga goal ka idakja goal kasasa aküm.

Asaya tanabuba shilem nung

team anaprongla goal idaktsüsi atema kanga meranga asaya aser asaya tembangtsü atema tatembangbuba minute nung Nourhielhoulie Vasa-i UFC atema tanabuba goal idakja parnoki asaya akok.

Hombarnüsa quarter final asaya pezübuba nung Medziphema Village Youth Org-i goal 4-0 agi Winfield koka liasü. MVYIO pur asayamung tepeyong asayartem tsüngda kanga junga sendaktepa masayateti arur Quarter finals nungbo parnoki kanga junga asayaogo.

Asaya nung MVYO atema mezüngbuba goal ya Avika-i minute 13buba nung idaktsü aser iba sülen mapang tatsüka dang lir minute 16buba nung Langphong-i tanabuba goal idakja liasü.

Goal ana achiba sülen Winfield puri goal idaktsüsi atema kanga meranga asaya ajisüaka asaya tanabuba shilem bo MVYO puri asaya amokbanger asaya liasü. Asaya nung maneni MVYO atema Thejasetuo-i minute 55buba nung tasembuba goal aser tatembangbuba minute nung Keneisede-i goal pezübuba idakja parnoki asaya ayong ayonga akok. Asaya nung Winfield puria goal idaktsüsi atema maongka nguteta asaya ajisüaka parnoki goal midaktsütet.

February 7 nü Semifinal

asaya:

1st Semi Final (12:00 noon)

AMIGOS FC vs FURY FC

2nd Semi Final (02:00 pm)

United Falcon Club Vs MVYO

Tri Nation Friendly asayamung Manipur nung asayatsü

Tsüklai/February 6, 2023 (Agencies): FIFA International break mapang India tebur football team Myanmar aser Kyrgyz Republic den Tri-Nation FIFA Friendly Football asayatsü. Iba asayamung ya March 22, 24 aser 26 nü Manipur yimtiba Imphal kübok Khuman Lampak Stadium nung asayatsü.

Iba osang ya Manipur Chief Minister N Biren Singh-i Hombarnü Imphal nung osangbenertem den sensaksemba mapang metetdaksü. Osangbenertem den sensaksemba mapang All India Football Federation tir Kalyan Chaubey aser Secretary General Dr Shaji Prabhakaran nata densema liasü.

Manipur CM-i ashiba agi, "Puti otsü nung tang mezüngbuba Manipur nung International friendly asaya ayongzüka asayatsü atema AIF-i jenjang tajung agiogo. Iba asayamung takok ngua asayatsü atema Manipur sorkari facility tajungtiba

agütsüsi asoshi inyaksangshitsü," ta ashi.

"India nung football asaya nung Manipur-i tongtibang shilem agia arudar aser AIFF-i linük nung tesem balalai iba asaya prokshia yoktsü atema jenjang agiba atema kanga pelar. Manipur nungi National team nung international asayar aika adokogo. Iba asayamung ayongzüka asayatsü maongka anguba ya tetushi tulu aser iba ajanga asayartem aser asaya jangrartem ajungmesotsü.

"Renedy Singh, Gouramangi Singh, Udanta Singh, Amarjit Kiyam, Suresh, Jeakson nung den asayartem aika international jenjang nung asayaogo aser national aser international jenjang nung Manipur football ajungkettsüogo," ta paisa shisem.

"Tetsür asaya nunga Manipur nungi asayar aika adokogo. Bala Devi, captain Ashalata Devi, Dangmei Grace, Elangbam Panthoi Chanu nungeri linük atema mapangshia konang tetushi

bener arutsüdar," ta CM-i ashi.

Maneni CM Singh-i AIFF dang state nung top-class academy ka amenoktsü atema teyari agütsüsi mepeshia liasü.

Tang mezüngbuba India Senior National Team Imphal nung asayatsü. Vision 2047 dak ajemdaker Federation-i iba tebur tajung asaya ya linük kübok tesem ajaki prokshia yoktsü atema merangba mapang tang Manipur nung iba asayamung ayongzüka asayatsü.

Iba asayamung ya Khuman Lampak Stadium nung asayatsü, kong kümtem tsüngda Hero I-League asaya aika asayaogo aser 2022 küm August ita Durand Cup dena asayaogo. Iba stadium ya 1999 küm yanglu aser nisung 35,000 asemtsü.

Maneni AIFF tir-i, Manipur Chief Minister Shri N Biren Singh nem tenüngsang agütsü, shibai Manipur nung football asaya renloka aotsü atema jenjang tapet agitsü nangzüka liasü.

ATP rankings: Zverev jenjang ana asepzüka luogo

Tsüklai/February 6, 2023

(Agencies): Hombarnü sayaba ATP rankings nung Alexander Zverev jenjang ana asepzüka lua tang 16buba nung lir, aser kasa mapang nung temaba jenjang nung hopta timtiba aliba record Steffi Graf-i bener aliba Novak Djokovic-i temeneper dang lir.

Arishi küm 25 tain Zverev ya August tatemi jenjang anabuba nung liasü saka taoba küm French Open nung tetsüng yiruba sülen tang tashi junga masayateti arudar. Tetsüng yiruba ajanga pa taoba küm masayateti liasü.

Pa Australian Open nung tanabuba round nung tsükatok aser iba sülen pai pa arishi küm asem asüba mapang nungi type 1 diabetes keta lir ta metetdaksü.

Domestic abuse dak sendakba nung Zverev anema ken o benoker aliba ATP-i bushisüngdangba sülen taoba hopta pa kecha nunga aibelena mali ta metetdaksüogo.

Pai Hokolbarnü Davis Cup asaya nung Stan Wawrinka akok ajisüaka Germany team meküzmüktet aser parnok Switzerland-i tsükdakja liasü.

France nung asayar Tiafoe aser Pablo Carreno Busta naprongla jenjang kaka tejakdangi tua tang jenjang 14

asir 15buba nung lir.

Djokovic shiba Davis Cup nung Serbia-i Norway akokba nung masaya pa temaba jenjang nung hopta 375buba alitsü.

Graf ya tetsür asaya nung hopta 377 temaba jenjang nung liasü.

Tebur asayartem rongnungi

top 20 yamai alitsü:

1. Novak Djokovic (SRB) 7070 pts
2. Carlos Alcaraz (ESP) 6730
3. Stefanos Tsitsipas (GRE) 6195
4. Casper Ruud (NOR) 5765
5. Andrey Rublev 4200
6. Rafael Nadal (ESP) 3815
7. Felix Auger-Aliassime (CAN) 3715
8. Taylor Fritz (USA) 3410
9. Holger Rune (DEN) 3046
10. Hubert Hurkacz (POL) 2995
11. Cameron Norrie (GBR) 2760
12. Daniil Medvedev 2750
13. Karen Khachanov 251
14. Frances Tiafoe (USA) 2305 (+1)
15. Pablo Carreno Busta (ESP) 2285 (+1)
16. Alexander Zverev (GER) 2275 (-2)
17. Jannik Sinner (ITA) 2195
18. Lorenzo Musetti (ITA) 190
19. Tommy Paul (USA) 1835
20. Nick Kyrgios (AUS) 1825.

Stadium anasa bomb apokba sülen Babar & Afridi anen

New Delhi, Tsüklai/February 6 (Agencies):

Deobarnü Quetta kübok Nawab Akbar Bugti Stadium nung Pakistan Super League (PSL) nung shilem ka ama exhibition asaya ka asayatsü aliba, stadium nungi mile ishika pilar kiralongrartemi bomb pokdaksüba sülen anena ata.

Bomb apokba sülen asaya nung shilem agitsü atema arua aliba nungtugu asayar Babar Azam aser Shahid Afridi nung room-i anina liasü.

Security ketdangsürtemi asayatsü asoshi kecha tetsükdaksü madoktsü ta Pakistan Cricket Board (PCB) dang ashiba sülen maneni asaya liasü.

Osang ajanga ashiba agi iba bomb ya Police Lines area nung apok aser nisung pongu tashi yirua liasü. Police ketdangsür tejen kati ashiba agi, iba tesem nung teküzmükba maparen tembanga inyakogo aser yirur alirtem mozükidangi anirogo.

Tehreek-e-Taliban Pakistan (TTP) puri iba bomb pokdaksüba nangzüko.

Security ketdangsürtem dak rangloker iba bomb pokdaksü, ta parnoki ashi.

PSL club Quetta Gladiators aser Peshawar Zalmi na tsüngda asayatsü aliba exhibition asaya ya PCB-i ayongzüka liasü. Baloch fans temi Quetta nunga PSL asayatsü atema nongshiba sülen iba asaya ayongzüka asaya. Asaya reprangtsü atema ground sünga nüburtem adenshir liasü.

"Bomb pokli asaya anendaktsü aser asayartem mapang tatsüka atema dressing room-i anina liasü. Lendong kecha mali ta osang agütsüba sülen asaya tenzüksi," ta police ketdangsüri ashi.

Balochistan province yimtiba Quetta nung küm aika saisapong kecha ayongzüka masayateti arudar, kechiyong iba tesem nung security jenjang majung aser kiralongrartemi mapangshia tesem balala amaker.

TTP puri tawa asendeshir tesem aika maka arudar. Taoba hopta Peshawar nung tesem ka amakba sülen nisung 80 tashi tepseta liasü.

BILEMDANGANG

"Nü kija dang süaka ochi nung nokdaksü merangang."